

Powšitkowne WOZJEWJENJA

njedźelu, 26. februara 2017

Zetkanje samostejacych

Samostejacy ze serbskich wosadow su na swoje přichodne zetkanje wutoru, 7. měrca, w 14 hodź. do Domu biskopa Bena w Smochćicach přeprošeni. Zajimcy njech so prošu hač do srjedy, 1. měrca, w redakciji Katolskeho Posoła přizjewja, telefonowe čisło (0 35 91) 55 02 12. Štóz chce wotewzaty być, njech to prošu zdžěli. Wšitcy njech sej prošu Wosadnik sobu přinjesu. Tež druhich zajimcow na zetkanju w Smochćicach wutrobnje witaja.

Zhromadny dzeń za 5. a 6. lětnik

Pod hesłom „Rěču z Bohom kaž z přecelom!?” přeprošuje dekanatne dušepastyrstwo džěci 5. a 6. lětnika sobotu, 11. měrca, wot 9.00 do 15.00 hodź. do Don Boskoweho domu we Worklecach. Zajimcy njech so prošu hač do wutory, 7. měrca, pod telefonowym čisłom (03 57 96) 8 87 07 we Worklecach přizjewja. Za wudawki dnja zběra so wot kóždého wobdželnika přinošk, kotryž wučinja štyri eura.

„500 lět reformacija – (žana) přičina swjećenja?“

Lětuši rjad ekumeniskich póstnych seminarow w Smochčanskim Domje biskopa Bena steji pod hesłom „500 lět reformacija – (žana) přičina swjećenja?“. Póndźelu, 6. měrca, je přenje zarjadowanje k temje „Wot Budyšina do Ochranowa: Reformacija w Hornjej Łužicy“. Zawodne słowa změja ewangelski serbski superintendent Jan Malink, nawodnica Budyskeho diecezanskeho archiwa dr. Birgit Mitzscherlich a dr. Peter Vogt z Ochranowa. Temje „Wot 95 tezew k bibliji: Zwadne prašenje wotpusk“ wěnujetaj so póndźelu, 13. měrca, dr. Christoph Münchow z Radebeula a dr. Bernhard Ditt- rich z Mišna. Posledni wječor w rjedže lětušich póstnych seminarow budže póndźelu, 20. měrca, pod temu „Wot džělenja k wujednanju: Wizije wo cyrkwi“. Zawodne impulsy k rozmyslowanju poda ekumeniska přihotowanska skupina.

Započatk je stajnje w 19.30 hodź. Mjez sobuzarjadowarjami je Towarstwo Cyrila a Metoda z.t.

Solist z Hamburga

spěwa „Stabat mater“ młodeho Budyskeho komponista

Koncert k póstnemu časej w rjedže „Duchowna hudźba“ budže njedźelu, 5. měrca, we 18.00 hodź. w cyrkwi Našeje lubeje knjenje w Budyšinje. Zaklinči twórba „Stabat mater“ Budyskeho komponista a cyrkwinskeho hudźbnika Feliksa Brojera. Přez lětstotki buchu wuznamne słowa wo zrudobje a žaloscenju mačerje Božej wo jeje skřižowaneho syna Jězusa wot wjacorych hudźbnikow skomponowane. Feliks Brojer je nětko přeni raz kompletny tekst za basowe solo a smyčkowy kwartet zhudźbnił. Z Budyskim smyčkowym ansambлом Chordophone zaspěwa młody solist a cyrkwinski hudźbnik Tom Kessler z Hamburga. Zastup je darmotny, wo kolektu so prosy. Wšitcy su wutrobnje přeprošeni.

Bratrowstwo hraje w Njebjelčicach a Haslowje

Dźiwadłowa skupina Bratrowstwa zahraje swoju komediju „Jědžk a lěnjoch“ sobotu, 4. měrca, w 19.30 hodź. w Njebjelčanskej „Bjesadze“ a njedźelu, 5. měrca, w 16.00 hodź. w Haslowje. Wšitcy su wutrobnje přeprošeni.

Putniska jězba do Roma

Wutrobnje přeprošuju zajimcow na putnisku jězbu z lětađom do Roma, a to wot njedźele do štwórtka, 7. do 11. meje. Nadrobniše informacije dóstanu zajimcy pod telefonowymaj čislomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowy puć 2. *Maćij Hadank*

Serbske hudźbne wubědźowanje

Dekanatne dušepastyrstwo za młodžinu pyta nowe serbske samospisane spěwy a přeprošuje młodostnych a dorosćenych, so na hudźbnym wubědźowanju wobdźělič. Nadrobniše informacije su na plakatach wozjewjene.

Dnjowy kalender z impulsami k póstnemu časej

Dekanatne dušepastyrstwo poskića lětsa dnjowy kalender z impulsami k póstnemu časej. Su to wobrazy ze wšelakimi citatami, kiž so wot popjelnjeje srjedy hač do jutrow kóždy dzeń jednotliwcam – młodšim kaž staršim – připósćelu. Kalender móže so přez mailku abo whatsapp abonować, wozjewi so pak tež na facebooku a instagramje. Štóž chce wšedny impuls dóstać, njech napiše mailku na don.boskowy-dom@t-online.de a poda swoje mobilne telefonowe čisło za abonement.